

古尊宿語錄卷第四十一

士五

傳錄司右副教兼鍾山靈巖禪寺住持 淨戒 重校

雲峯禪師語大鑑下士世嗣大愚

雲峯禪師諱文悅南昌徐氏子在同安受翠巖請陞座僧問師唱誰家曲宗風嗣阿誰師云新長老不答話進云恁麼則大愚的子汾

士五

陽親孫師云放你二十棒師乃云山僧今日平地喚交了也你等諸人還知敗闕麼然官不容針私通車馬拍禪床下座 次夜小叅僧問昔日靈山分半座二師今日意如何師云天高誰側首進云恁麼則昔日靈山今日翠巖也師云地闊少知音學人喝師便打

僧問抱璞投師請師雕琢師云不雕琢進云爲什麼不雕琢師云雲從龍風從虎僧問佛不化本國和尚爲什麼歸鄉住持師云放過一着僧擬議師便打 乃云莫更有作家禪客本分衲僧何妨出來共相證據有麼布袋裏盛錫子不出頭來也大好大九扶豎宗乘亦須是箇人始得若未有奔流度刃石火電光底眼不勞拈出臨際大師與德山坐次德山云今日因濟云老漢竊語作麼山擬拈棒濟便掀倒禪床師云奇怪諸禪德看此二貧作家一撥一捺略露風規大似把手上高山然雖如是未免傍觀者哂且道誰是傍觀

者喝一喝拏禪床下座 離同安衆請上
堂僧問今離鳳嶺將屆龍沙如何是不動尊
師云天寒雨至進云特地上來伸此問師爲
如何不指南師云緊峭草鞋乃云山僧道慚
荒薄德揣無堪豈謂使命遐飛僧徒雲請此
蓋堂頭和尚交于情深發揮道廣但勵屢冰
之志敢忘報德之誠而又翠巖一行專使俯
近四十餘人數日之間頗多喧聒其於感愧
併集山懷兼此者一行衆隨高德既蘊成人
之美更敦尅志之心其如跋涉長途各希愛
護然出家達士以利人爲已任勤若行雲止
猶谷神豈有心於彼此情繫於動靜者哉既

無心於彼此亦無象於去來所以紆紆自彼
於我何爲如是則真諸上人高橫金錫輕卷
雲袍明日遂行胡往弗利 在上藍開堂
宜疏罷師指法座云還有不受人謾底麼有
即出來推倒禪床喝散大衆然未是作家也
且救得一半還有麼良久云既無人出來山
僧今日不惜眉毛不免指鹿爲馬十五日翻日作月
去也三十年後莫錯恠人好便陞座祝
聖畢又拈香云大衆此一瓣香天不能蓋地
不能載塵沙諸佛天下老師未敢正眼覷着
諸人向什麼處摸索然官不容針私通車馬
奉爲先翠巖芝禪師乃加跌而坐維那白槌

云法筵龍象衆當觀第一義師云祖稱不了
殃及子孫事到如斯寧容分雪所謂出世利
生之事呼爲第一義門但有言說都無實義
諸人若也委悉山僧出世事畢其或未然有
疑請問僧問承教有言若有聞法者無一不
成佛此日朝蓋臨筵如何是法師云劒過遠
矣尔方刻舟進云大愚山上曾施力豫章今
日正宣揚師云臨崖看潁眼特地一場愁問
師唱誰家曲宗風嗣阿誰師云識法者懼進
云一言纔出駟馬難追師云放過一著僧撫
掌師云自領出去問朝蓋已伸三請禮乞師
一句露尖新師云重言不當吃進云恁麼則

雲散家家月春來處處花師云研額望扶桑
問師有衝天之略學人有入地之謀兩陣交
鋒如何即是師云山僧打退鼓僧擬議師便
喝學云相逢盡道休官去林下何曾見一人
師云拖出去乃云問詰且止佛法正論非競
辨而可求擊揚鏗鏘以摧異學諸祖之道豈
十五其然乎所以一大藏教不能自詮十方諸佛
三不能提唱輝騰今古迥絕見知圓滿十虛寧
有方所只爲情生智隔想變體殊雖終日行
而不自覺是以勞他先聖廻首塵勞曲開方
便方便即有還證明得麼若也證明得便能
隨機利物應化無方出沒卷舒人間天上然

雖如是即不得向衲僧門下何故笑破他口
師入山大衆出接首座問德山宗乘即
不問作麼生是臨際大用師云你甚處去來
首座擬議師便掌首座云勝王閣又作麼生
師喝云領衆歸去入院陞座僧問鼓聲絕名
香爇臨際德山請師決師云頭戴天腳踏地
進云學人今日失利去也師云錢唐去國三
千里進云真善知識師云放你一頓問知師
久蘊囊中寶今日當機事若何師云何不高
聲問進云恁麼則學人退身去也師云還我
話頭來學云喏師云杜撰衲僧乃云山僧昔
年曾到今日重來非唯人事增歡抑亦林泉

加秀且道不傷物義一句作麼生道良久云
天高東南地傾西北下座上堂僧問師
登寶座舉唱宗乘學人上來請師垂示師云
楚石不當玉進云相識滿天下知心能幾人
師云朽木不可雕復云此是普光明殿華藏
師子之座人天普集九聖共居今日曲順人
情如何剖露若以宗乘舉唱直湏大地荒涼
就下平高未免遭他笑恠且道不落化門一
句作麼生道良久云惜取眉毛好便下座
上堂諸佛出世平地陷人祖師西來承歷
接響一大藏教誑譚問闍明眼袖僧自救不
了諸人到這裏憑何話會良久云爲衆竭力

獨出私門擎禪床下座 上堂寶劍已失

虛舟待刻買帽相頭江南江北擎禪床下座
上堂臨濟先鋒放過一著德山後令且在一
邊獨露無私一句作麼生道良久云翠巖今
日失利以拂子擎禪床下座 上堂三轉
法輪於大千其輪本來常清淨毗婆尸佛在

十五

你諸人眉毛眼睫上放光動地轉大法輪看
看見諸人不會却向翠巖拂子頭上般涅槃
去也擎禪床下座 上堂僧問名喧宇宙
知師久翠巖家風略借看師云滑石不打連
底凍僧便喝師云作什麼僧擬議師便打問
鴻門未踏時如何師云擗進云踏後如何師

云裂進云恁麼則天下歸漢去也師噀一聲
乃云千人排門不如一人踏開一人踏開千
人萬人得到無疑安樂之地豈不快哉如今
還有踏開者麼良久云見義不爲何勇之有
擎禪床下座 上堂拈起拄杖云金鱗不
現虛勞力收取絲輪歸去來擲拄杖下座

上堂髑髏常干世界鼻孔摩觸家風著拈
起拄杖云玄沙老子穿過了也會麼復云無
人過僧打與三百擎禪床下座 上堂僧
問寶劍未出匣時如何師云在匣裏進云出
匣後如何師云京三汴四問如何是和尚家
風師云大木大皮裏進云忽遇客來將何抵

待師云小木小皮繩問如何是祖師西來意
師云解纜放船問如何是佛法大意師云天
長地久進云恁麼則大盡三十日小盡二十
九師云釋迦老子爲什麼失却鼻孔僧無語
師云脫空設語漢復云真不掩偽曲不藏直
現在可驗因是設人眼不得且作麼生是諸

十五

五

人眼還驗得麼若也驗得翠巖无解冰銷若
驗不得分付德山和尚便下座 四月八
日上堂僧問如何是佛師云寸釘入木進云
意旨如何師云三生六十劫後云教中道四
月八是佛生之日放大光明照耀十方地湧
金蓮華自然捧雙足東西及南北各行於七

步分手指天地作師子吼聲上下及四維無
能尊我者後來雲門大師舉了云老僧當時
若見一棒打殺與狗子喫却且圖天下太平
師曰奇怪諸禪德雲門雖有定亂之謀且無
出身之路若也辯得許你頂門具一隻眼便
下座 上堂翠巖今日不惜眉毛向你諸

人道一大藏教祖師西來天下老和尚橫說
豎說並不是衲僧分上事且作麼生是衲僧
分上事驀拈起拄杖云這一隊漆桶便下座
上堂僧問靈山拈花意旨如何師云一
言纔出驢馬難追進云迦葉微笑意旨如何
師云口是禍門問國師三喚侍者意旨如何

師云有年有德後云不用愛聖聖是空名不用厭凡凡是妄立若得聖凡情盡喚作體露真常所以古者道但盡妄緣即如如佛諸人還信得及麼若信得及止宿草庵且居門外三十年後鼻孔捺天莫錯恠人好聲禪床下座
上堂官不容針私通車馬今日不惜身命與大衆舉箇古人話良久云毗婆尸佛早留心直至如今不得妙便下座
上堂一刀兩段未稱宗師就下平高固非作者翠巖到這裏口似樞機你等諸人作麼生商量良久云欲得不招無間業莫謗如來正法輪便下座
上堂看風使帆諸方共用斬釘

截鐵翠巖不然光吞萬象一句作麼生道良久云龍頭蛇尾漢下座
上堂未達境唯心起種種分別達境唯心已分別即不生知諸法唯心便捨外塵相諸禪德只如大地山河明暗色空法法現前作麼生說箇捨底道理於此明得正在半途頃知向上更有一竅
士五
在便下座
上堂三界無安猶如火宅出身一句作麼生道良久云雲在巖頭閑不徹水流澗下太忙生下座
上堂若見諸相非相即山河大地並無過咎諸上座終日著衣喫飯未曾咬破一粒米未曾挂著一條絲便能變大地作黃金攪長河爲酥酪然雖如

長者衣喫飯即不無衲僧門下汗臭氣也未
要見在下座 解夏上堂僧問西天以蠟
人爲驗和尚此間以何爲驗云鐵彈子進云
學人無用功處也云學語之流問如何是諸
佛出身處云十字街頭進云豈無方便云千
重百匝復云日月易流光陰條忽始見安居
又當自恣此夏喜得大衆各各道體康安然
出家之流曠達無礙初秋夏末或東去或西
去出一叢林入一叢林忽有人問上座翠巖
和尚今夏如何爲人被他一問如何祇對莫
道九九八十一莫道但得雪消去自然春到
來莫道日出東方夜落西莫道令取狗口莫

道下一喝撫一掌坐具驀口撼拂袖便行諸
禪德如斯布露深屈翠嵒旣不然者別作麼
生披露試對衆道看還有道得底麼衆無語
師云若到諸方莫道我從翠嵒來便下座
師復云老儒道仁者見之謂之仁智者見之
謂之智百姓日用而不知是故君子之道鮮
矣十五肇法師亦謂在天而天處人而人原夫能
天能人者豈天人之所能哉諸禪德故知先
聖垂範理契必同你等諸人如何委悉良久
云穿僧堂入佛殿北斗裏藏身三門頭合掌
阿呵呵是什麼擎禪床下座 上堂僧問
學人心眼未通乞師方便師云十字街頭石

幢子僧無語師云會麼僧云不會師云你豈不是洪州人問達磨未來時如何師云流沙浪闊進云來後如何師云熊耳山高問如何是禪師云軍期急速進云有什麼交涉師云日馳五百復云雲從龍風從虎水流濕火就燥且道衲僧就箇什麼豎起拂子云摠在這裏裂開也在我捏聚也在我良久喝一喝云王令稍嚴下座寒食日上堂諸上座還會麼冬至寒食一百五家家塚上添新土翻思拾得烏寒山南北東西太莽鹵南泉不打盆官鼓以拂子擊禪床下座上堂天明平旦萬事成辦北俱盧州長粳米飯下座因

入城衆請上堂僧問如何是豫章境師云樹色遠分仙尉宅湖光寒浸昔賢亭進云如何是境中人師云朝看東南暮看西北問如何是名無翼而長飛師云天上星進云如何是道無根而永固師云地下木有俗弟子問如何是佛師云著衣喫飯量家道進云恁麼則退身三步叉手當習去也師云醉後添盃不如無復云語不投機承言者喪直饒你說得天兩四花地搖六震衲僧門下恁是喫棒數然事無一向理出多門曲順機緣豈無方便所以古者道閑市裏識取天子百草頭上薦取老僧拘留孫佛在你諸人脚跟下放光動

地轉大法輪乃豎起拂子云看看見你諸人
不會却向翠嵒拂子頭上入火光三昧去也
擊禪床下座 上堂未離兜率已降王宮
未出母胎度衆生畢古人與麼道只見錐頭
利不見鑿頭方下座 上堂僧問承教有
言唯此一事實餘二即非真如何是此一事

十五

八

師云鼻孔大頭向下進云與麼則晨朝有粥
齋時有飯也師云惜取眉毛好問如何是無
縫塔師云四稜著地如何是塔中人師云香
風吹萎花更雨新好者問如何是衲衣下事
師云皮裹骨問牛頭未見四祖時如何師云
庵內人不知庵外事見後如何師云水流澗

下任縱橫問丹霞燒木佛意旨如何師云橫
三豎四進云院主為什麼眉鬚墮落師云七
通八達復云始從鹿野苑終至跋提河四十
九年間都來說一夢你等諸人還曾夢見麼
所以道眼若不睡諸夢自除且作麼生是不
睡底眼還驗得麼若也驗得塵沙諸佛天下
祖師總向上座眼裏百雜碎若驗不得翠巖
今日死中得活 上堂道是常道法是常
法汝等諸人切莫枉用身心馳求語句所以
道但有纖毫即是塵舉意便遭魔境挽且道
不涉廉纖一句作麼生道舊拈起拄杖云放
過一著便下座 上堂看窟籠著楔罕過

當人通襲貶一句作麼生道良久云不得春
風花不開花開又披風吹落以拄杖卓一卓
下座 上堂僧問學人解問說訛句請師
不答訝人機師云髮長僧兒醜進云恁麼則
日日香煙夜夜燈師云腦後合掌問承教有
言但一月真中間有無是月非月如何是其
月師云瞎驢趁大隊進云恁麼則早知今日
事悔不悔當初師云脚頭脚尾乃拈起拄杖
示衆云我喚這箇作拄杖子你諸人喚作什
麼若喚作拄杖子蝦跳不出斗若不喚作拄
杖子平地上喚交還有道得底麼良久云翠
峯今日失利擲拄杖下座 上堂有佛處

不得住無佛處急走過你等諸人橫擔拄杖
向什麼處行脚良久云東勝身洲持鉢西瞿
耶尼喫飯下座 上堂假使心通無量時
歷劫何曾異今日且道今日事作麼生良久
云烏龜鑽破壁以拂子擊禪床下座
上堂乾坤之內宇宙之間中有一寶秘在形
山諸禪德頭上走天脚下是地口裏有舌面
上有鼻寶在什麼處良久喝一喝下座
上堂見聞覺知無障礙聲香味觸常三昧衲
僧道會也山是山水是水飢來喫飯困來打
睡忽然須弥山趺跳入鼻孔裏摩竭魚穿你
眼睛中作麼生商量良久云叅堂去

上堂北鬱正中宵間浮即當晝輪廻如未惺
舊荀何曾熟諸上座還會麼有智不假年高
無智徒勞百歲問如何是第一要師云蛇穿
鼠穴如何是第二要師云狷獼上樹如何是
第三要師云村裏草鞋問如何是般若體師
云箭穿楊葉進云如何是般若用師云李唐
隋問如何是清淨法身師云紫枝荻樹云
向上更有事也無師云有進云如何是向上
事師云風吹日炙復顧視左右云放憨作什
麼便下座 上堂謹白參玄人是何言歟
光陰莫虛度雪上加霜下座 歲旦上
堂僧問大眾雲集合談何事師云花須連夜

發進云與麼則草偃風行也師云萬里望雲
開進云入水見長人師云速禮三拜復云三
十六句竟今朝還復起刹那不相知諸法何
曾尔尊卑叙禮儀歡感同居止廓哉摠持門
而人不能悟玉兔金烏藏頭露尾以拂子擊
禪床下座 冬至上堂畧運推移日南長
至大家知有何勞特地日落三更騎驢入市
參 上堂觸目不會道猶較些子運足焉
知路錯下名言諸上座翠巖今日將錯就錯
你等諸人見色有眼聞聲有耳孰香有鼻了
味有舌因什麼却不曾去良久云武帝求仙
不得仙王喬端坐却昇天以拂子擊禪床下

座 上堂門裏出身易身裏出門難冬行
春令即且置不涉程途一句作麼生道良久
云渾家送上釣魚船便下座 上堂普賢
行文殊智捕陀嚴上清風起將驢趁隊過新
羅吉繇舌頭三十里 上堂觀色即空成
大智而不住生死觀空即色成大悲而不住
涅槃諸禪德還會麼東勝身洲走馬西瞿耶
尼著摸看看不審維摩老子喝一喝擎禪床
下座 上堂天得一以清地得一以寧君
王得一以治天下衲僧得一旱地遭釘以拂
子擎禪床下座 上堂勸客揚古路不墮
悄然機師云古人與麼放開了也還跳得出

麼直饒你跳得出鼻孔也在翠嵒手裏且道
翠巖鼻孔在什麼人處良久云得人一牛還
人一馬下座 上堂德山入門便棒臨濟
入門便喝看這兩箇老漢一場敗闕然則事
不孤起起必有因翠嵒不著便蓋是爲衆竭
力你等諸人平地喫交過在阿誰良久云當
斷不斷反遭其亂藕拈拄杖一時趁下
上堂摩竭掩室已不及初毗耶杜詞至今話
橈向上一路千聖不傳是什麼熱要當衲僧
門下壁立千仞也是賊過後張弓是你諸人
心憤憤口排排皮下還有血麼搥在這裏通
相埋沒有什麼了期以拄杖趁下 上堂

即今休去便休去若覓了時無了時此事若
向言語上作解會意根下卜度天地懸殊大
丈夫一刀兩段猶未相應豈況被人喚去方
丈裏塗糊指注舉楞嚴論根塵色法向上
向下有無得失他時後日死不得其地近世
更有一般宗匠二三十年馳聲走譽只管教

人但莫上他言句喚作透聲色便問東蒼西
以爲格外之句將此狂解通相公襲從此混
傷宗教誑惑後生苦哉苦哉我王庫中無如
是刀摠若似與麼行脚清風月下守株人涼
瓦漸遙芳草綠下座 上堂汝等諸人與
麼上來大似拋却甜桃樹尋山摘醋梨大凡

行脚人十二時中也須管帶些子始得豈可
只與麼隨行逐隊虛生浪死看他先聖百般
不奈何了向人道我今爲汝保任此事終不
虛也你等諸人還信麼直饒向這裏信得及
也是聽事不真喚鐘作甕以拂子擊禪床下
座 到南嶽承天陞座僧問二師相見時

如何師云石橋通大路進云恁麼則千里同
風師云一字兩頭垂進云大衆證明學人禮
謝師云鈍置殺人問寶座既登於此日翠嶺
家風略借看師云兩來山色暗進云莫便是
和尚家風也無師云鐵山南面三千里師乃
云承天師兄早是瞞你諸人了也翠嶺乍到

不可雪上更加霜然則一言纔出駟馬難追
事到如斯不免塗灰抹土蓋爲祖拂不了殃
及兒孫三十年後鼻孔遶天莫錯恠人好下
座師住法輪入寺陞座僧問法席久虛
師子吼乞師方便震雷音師云好生聽取進
云與麼則一音纔剖大衆沾恩師云雲綻不
湏藏九尾士五恕君殘壽速歸丘僧便禮拜師乃
云法不孤起仗境方生道不虛行遇緣即應
然通方之士舉必知歸游涉之徒何妨進步
有麼良久云釣竿斫盡重栽竹不計功程得
便休開堂陞座僧問善法堂開於此日
第一義諦請師宣師云何不早問進云學人

未曉師深旨乞師方便再垂慈師云去去西
天路迢迢十萬餘問如何是法輪境師云岫
嶺峯高雲半出進云如何是境中人師云五
湖來徃任縱橫問如何是和尚爲人一句師
云兩來山色暗進云莫便是和尚爲人麼也
無師云你眼在什麼處僧擬議師便打乃云
且住且住大象既消希音杳絕旁通實化開
拓權門於是三藏五乘對機設教猶國家兵
器不得已而用之爾後達磨西來單傳心印
一花五葉分布寰中大似持薺作啞何故况
你諸人各有一段事耀古騰今通廊等於太
虛明淨同乎皎鏡現在可驗因是瞞人眼不

得且何者是諸人眼還驗得麼若也驗得座
沙諸佛三乘十二分教六代祖師天下老和
尚盡向諸人眼裏百雜碎者驗不得前是案
山後是主山良久復拈香云此日一會固非
小緣匝地普天孰不欣慶更不敢祝贊皇風
回向諸僚何故古人道吾禱父矣豈況當今

十五

十三

聖主賢臣者哉久立大眾伏惟珍重

上堂一道直如絃家家當戶前有人爭共進
至竟忽論先喝一喝擊禪床下座 上堂
觀色即空成大智故不住生死觀空即色成
大悲故不證涅槃慕拈拄杖云豎窮三際橫
遍十方塵沙諸佛天下祖師盡在拄杖頭上

縱橫十字轉大法輪見麼見麼見你諸人不
會走入新羅國裏去也卓拄杖下座

上堂春日雨滋霑溥逐根苗得門戶甜者甜
為苦者苦便下座 上堂相逢不擊出舉

意便知有也是萬里望鄉關所以保福有言
擊石火閃電光透得透不得未免喪身失命

而今還有透得底麼良久云為衆竭力禍出

私門下座

上堂火熱風動搖水濕地堅

固然於一一法依根葉分布所以雲從龍風
從虎水流濕火就燥且道衲僧就箇什麼良
久云千箇作團萬箇作隊困則一處睡覺則
各自做便下座 上堂僧問久戰沙場為

什麼功名不就師云誰遣你進云道泰不傳
天子令時清休唱太平歌師云誰遣你復云
元首明哉股肱良哉風以時雨以時五穀熟
萬民安有什麼事但能隨順世緣自然合於
正理不見祖師道入得世間出世無餘諸禪
德還會麼良久云三邊若得渾無事四海何
愁不太平下座 上堂直得地推六震天
兩四花祖師門下白雲千里萬里下座
上堂叮嚀損君德無言最有功任從滄海變
終不爲君通諸禪德還會麼口是禍門擊繩
床下座 上堂拈起拄杖云掌鉢孟向香
積世界爲什麼出身無路挑日月於拄杖頭

上爲什麼有眼如盲直得風行草偃響順聲
和無纖芥可留猶是交爭底法作麼是不交
爭底法以拄杖卓一卓下座 上堂舉教
中道此見及緣元是菩提妙淨明體又道林
木池沼皆演法音交光相羅如寶絲網奇恠
諸禪德古聖與麼說話喚作四首塵勞曲開
十五
方便所以道如我按指海印發光汝暫舉心
塵勞先起會麼拂子且將揮世界拄杖權爲
荅話人以拂子擊禪床下座 上堂僧問
浩浩之中如何辨主師云波斯入關市進云
與麼則不假披沙也師云學語之流僧便禮
拜師云語不離葉道焉能出蓋經片雲橫谷

口迷却幾人源下座

上堂拂子吞却須

彌山尋常言論德山卓牌關市裏作麼生商量良久云官不容針私通車馬下座

上堂僧問金烏未必常當午玉兔半夜不曾昏時如何師云點即到僧無語師云會麼僧云不會師云到即不點問如何是心地法

門師云莫從人覓進云不從人覓如何得師云此去衡陽不遠乃云諸釋德既入叢林善衆知識知識非他非他謾覓法性偏圓心源湛寂避尚無門求之何益君不見黃檗掩耳百丈卷席直下分明無別消息得失是非一時冰釋喝一喝下座 上堂玄沙不出巖

保壽不渡河善財衆知識五十三負慧速結

黑白一十八士雪峯三度上投子智者九句談法華且道這箇漢是野干嗎師子吼喝一

喝擊禪床下座

上堂未離兜率已降王

宮未出母胎度衆生畢法輪到這裏有口無用屢你等諸人還相委悉麼若相委悉天下

十五

十五

老和尚鼻孔總在你手裏若也不會啼得血流無用憂不如緘口過殘春下座 上堂

舉不顧即差年擬思量何却悟乃豎起拂子云如今舉了也你作麼生顧良久云擬思量何却悟擊禪床下座 上堂舉教中道於三七日中思惟如是事我寧不說法疾入於

涅槃師便喝云當時若有人出來下得這一喝塞却老胡咽喉豈不天下肅靜四夷蕩蕩而今放開了也是你諸人還皮下有血麼良久云爲衆竭力揭出私門拍禪床下座上堂古鏡照精其精自形古教照心其心自明諸禪德會麼心明諸法朗性昧衆緣昏日

月不到處特地好乾坤喝一喝下座

上堂十方同聚會箇箇學無爲此是選佛場心空及第歸古人一期與麼道衲僧家還甘也無若甘去行脚眼在什麼處若不甘轉身一句作麼生道良久喝一喝拍禪床下座上堂聲色不到處病在見聞言詮不及處過

在唇吻離却咽喉一句作麼生道還有人道得麼若道得坐却天下人舌頭若道不得法輪門下有粥有飯下座上堂便與麼會也是雪上加霜更待鼓兩片皮白雲千里萬里聲禪床下座上堂語不離窠道焉能出蓋經片雲橫谷日迷却幾人源所以言無展事語不投機承言者喪滯句者迷你等諸人到這裏憑何話會良久云欲得不招無間業莫謗如來正法輪珍重上堂舉教中道林木池沼皆演法音交光相羅如寶絲網又道鐘鳴鼓響宜真實水綠山青爲舉揚諸禪德還會麼若有箇衲僧出來道話墮也且

作麼驅遣良久云啼得血流無用麼不如絨口過殘春上堂舉古者道學道先須有悟由還如曹闢快龍舟雖然舊開閑田地一度羸來方肯休古人與麼道大似貪觀白浪失却手撓般中還有檢點得出底麼若檢點得出救取古人若檢點不出法輪今日失利去

十五

十六

也擊禪床下座師住雲峯上堂古者道風動心搖樹雲生性起塵若明今日事暗却本來人今日事且置作麼生是本來人良久云鶴有九皋難翥翼馬無千里謾追風珎重冬日上堂節令屆書雲山家何所論一輪繞出海萬類盡沾恩以拂子擊禪床下座

上堂舉明教大師示衆云初秋夏末其道我不向你諸人道大家看火燭師云明教老人憐兒不覺醜蓋由土曠人稀是你諸人今夏在這裏老僧深不欲向你道惜取眉毛好便下座上堂古者道古路若爲登金僊道可憑不勞平有物不物未全稱且道全稱一句作麼生道雲峰打退鼓以拂子擊禪床下座上堂臨濟先鋒放過一著德山後令且在一邊獨露無私一句作麼生道良久云堪嗟華下鐘離末以拂子擊禪床下座上堂古人道動容揚古路不墮悄然機還會麼古人與麼和底禪了也有般漢聞之如風過樹有什

麼救麼以拂子擊禪床下座 上堂舉與化
問克賓維那汝不久爲唱道之師克賓云我
不入這保杜化云你會了不入不會了不入
克賓云我慙不恁麼化便打遂罰錢五貫設
饌飯了趣出院後來却法嗣興化師云還會
麼路遙知馬力歲久見人心以拂子擊禪床

十五

十七

下座 上堂古人道言多去道轉遠抵如未
言道在什麼處乃云欲得不招無間業莫謗
如來正法輪以拂子擊禪床下座 上堂教
中道種種取捨皆是輪迴未出輪迴而辨圓
覺彼圓覺性即同流轉若免輪迴無有是處
你等諸人到這裏且作麼生辨圓覺良久云

荷葉圓圓圓似鏡菱角尖尖尖似錐以拂子
擊禪床下座 上堂舉僧問法眼云秋風纔
動貧者何依法眼云若能知恩即解報恩師
乃云還會麼一葉隨空便見秋法身須透關
秋來年更有新條在惱亂春風卒未休以
拂子擊禪床下座 上堂僧房閑寂夏偕持

閉戶疎人惟亦知儂家自有同風事千里無
來却肯伊且作麼生是同風事還會麼餬餅
蒸作家常茶飯一言半句古人葛藤雲峯與
你兩無交涉下座 上堂舉教中道歸源性
無二方便有多門聖性無不通順逆皆方便
還會麼所以道不浪階隨功涉位經有經師

論有論主你道衲僧門下還有這箇消息麼
良久云一言纔出駟馬難追下座 上堂聲
色不到處痛在見聞言詮不及處過在唇吻
離却咽喉脣吻一句作麼生道還有人道得
麼若也道得坐却天下老師三安諸佛舌頭
若道不得但知墮例餓餓子也得三文買草
鞋下座 上堂舉教中道知幻即離不作方
便離幻即覺亦無漸次大衆還會麼須彌踪
跳入你鼻孔裏即且從你道婆竭龍王年多
少肉重千斤智無鉢兩下座 大末

古尊宿語錄卷第四十一

十五